

金鎖流珠云步罡一步一步存如斗星大如金光圓毬踢上天則天關轉踏下地則地軸旋踢向離則火輪燒空踢向坎則水車流響神功浩大不可輕易侍宸有云交乾步斗非容易雷公冷笑不相當學者勉之

道法會元卷之一百三十一

道法會元卷之一百三十二

雷霆祈禱秘訣

坐鍊工夫

先疊手足閉目舌柱上腭靜坐調炁定息意到即運神光衝上以天目與劍訣望空

中書一團存五色金光燦爛日左月右天罡居中叩齒十二通先左手掐卯文誦呪

曰

噴華池玉液金容火色請召真炁灌我神室流入精元混合歸一急急如律令

呪畢以左鼻吸引紅光直射入口中嚥下

丹田融結為紅光彈九次掐酉文念呪曰

噴太乙正液金容碧色請召真炁灌我神室

飛入泥丸照曜體宅急急如律令

呪畢以右鼻吸引金炁射入口中嚥下丹

田融結為碧色彈九次掐辰文念呪曰

噴天罡大聖破軍前星流光萬里直衝津庭

混合歸一我元神三炁化結照耀太清入

我黃房萬神化生急急如律令

呪畢以兩鼻吸引五色真光直射入口結

夏三

為金彈嚥下脾宮中丹田運轉想見下丹田紅彈上來上丹田碧彈下去交會七次結成一塊復嚥下丹田念金光呪後以意引自尾闕直上夾脊雙關歷十二重樓上過泥丸顛門而出合空中風雲金光一團用子午斗一衝見使者分明在前念誦呪畢用左手雷局引前金光復歸下丹田安頓以津液吞嚥灌之

誓呪

汝乃天之精吾乃地之靈分汝之精合吾之形混合相合為神為靈出為風雨入則長生隨吾指揮隨吾使令汝若負我風刀考身我若負汝品秩不陞使者張其諦聽諦聽毋忘此盟急急如太上律令

祈禱要訣

凡祈晴祈雨殺伐必須先發奏申文牒符命焚香祝告限定日時報應却就一靜室打坐凝神定意不可亂念一絲不掛萬慮俱忘收拾居中塞二穴玄膺閉五炁待水

火升降口中玉液盈滿身中汗流過額自下作熱至上如此作用半夜來日定有報應若夜間諸項未動其日決無雨又法夜看天河若有黑雲穿貫及南北斗爍動河水上灌二斗及太陰有雲灌運來日定有報應若夜間各項不動決無雨早看太陽東升之時有黑雲掩障亦是報應若諸事並無難着力用功不可登壇蓋太陽為雷太陰為霆北斗星為罡即張帥是也若坐時得黃河水逆流天地黑炁交合此乃雷電號令已出外符同雲雨必然發生。

### 動雲坐功

乾坤為體日月合璧靜則金丹動則霹靂此乃日月合璧之說與前祈禱坐功亦同以念頭到彼雷亦震彼矣。

### 勾雷致雨

若雷雨不到壇在別處下不可將念頭顧他處作用符加勾雷號勾轉雨自然至壇。

### 救日

先作用使者符一道存太陽中離卦即焚

符嚶水一口存使者在坎卦中塞滿成乾卦即喝使者起雲掩日仍前閉炁靜坐

### 祈晴坐功

如前坐靜定通炁不可閉塞二穴良久之後炁乃自然靜息身中清涼了無一物自然天開炁朗久靜而動陽乃生矣。

### 止風

存風起處有一巽卦便焚符一道向風起處想使者塞巽卦之中成乾卦風即止。

### 回風

如風在東南起欲回西北風即焚香發符一道東南起處以水嚶之存使者東南方立便以目光虛書回風字號就於西北方使者見之即過西北喝使者轉風存使者即以兩翅扇動西北其風自然回轉。

### 斬虹

先取長茅一莖放在面前淨地上存為天上虹霓一般却緊握雷局念淨天地咒一炁一徧畢次飛斗念云

天罡啞以交熱攝辰戌斗別向天虹上

赤陽三五怨怒攝陽日向紅上赤陽三五魁觀攝陰日向紅上

並用呵炁一口同去就吸彼虹炁吹于茅上只見其虹橫直在地即以左手握雷局右手仗劍以罡炁一口呵出同雷局打下以斬斷之若未斷時再念前咒飛斗作用斬之。

### 號令雷霆出宮撤

雷霆都司當司職惟幹旋

### 造化掌樞

雷霆主陰陽生熟之權掌水火祈禳之事濟民為急敢怠宣行是用起召雷神各宜聽

今今為某處某人等投白請祈雨澤事除

### 已具奏

帝闕真司請降

恩命頒行外須至預行符檄播告者

### 符

右符檄奉

祖師口勅乾宮主子震宮神我是天公濟世人奉請五雷施雨澤款我祭祀來報應激剝陽電百神驚阿香公阿香公靈靈靈玉皇親勅命驅汝出雷宮要汝逞威雄激請五方傳音飛捷報應使者六乙天喜賜谷張神君火急依時關告主雷欽火鄧天君雷霆副帥辛尚書驅雷程雅二元帥主副康劉二元帥上壇九將下壇九將九天彌命風雷呂使者雷門尚畢二雷神太極霹靂雷王天地人三十六位雷公三劫列宿靈官七星雷王二十八宿雷王二十四炁雷王十二時令雷王太乙天章陽雷霹靂專司上將左右龍虎魏薛二大元帥太乙所部三司二院內外兩壇諸大雷神神霄火犀雷府主管不信道法宋將軍副帥沈使者號黑歷黑陳錢二大雷神斬勘蔣壁華雷陳五大雷王郭亮鄧元皇何思全九子真威天公雷公江赫冲雷母秀文英兩師陳華夫風伯方道彰使者衛日新六十甲子出宮風雲雷雨電五大雷神太歲地司雷寔白虎黃幡豹尾火輪燥霹甘澤流火雷王

五嶽下誅郡伐惡雷王暗天暗地雷王飛沙走石雷王火母將軍火急閉陽使者婆猛鄧典娘三千六百部署邵元君調發三十六雷鼓力士標織使者莫賺大神撼山倒海等使川源潭洞龍王鄧都行司關元帥張李牛頭獄主東獄溫元帥東平感烈通天大元帥張蕭黃劉王五大元帥今年當季行風布雨龍雷部眾城隍社令山川潭洞龍王一切雷王所隸社令妖雷六毒蠻雷一切神吏各各承令遵奉今來祈禱事理定限某月某日時各各同心協力誅剪旱虹部領風雲雷雨電前來以俟當職登壇先期驅動陽雷大轟霹靂飛沙走石捲水揚波移山拔樹救日與雲行風布雨遍謝人世普救焦枯恐得禾稿豐登百物滋茂明彰報應大顯神威檄至急準

真皇號令奉  
九天雷祖勅  
始祖符命星火奉行  
某年某月某日時檄  
具位 姓 某 承諾奉行

祖師三洞九清法師沖應通妙真君王  
檄文告催  
雷寔都司  
當職掌握雷權以信相守惟行玉律具在典章某月某日某時除已備檄汝等從今關集龐明烈慈赫猛惡轟熾電五方雷神聖眾同候今限將至具符催檄者  
空書符  
右檄  
雷霆鄧辛依三天君法院諸司雷神速起雲雷雨部大神彌命風雷使者五方雷公呼風嘯雨擊電飛雷就巽陽出震宮來赴行壇大彰昭報以濟焦枯魁活品物廣敷教風大彰天信如致稍遲自貽  
天憲檄到準  
勅星飛火急奉行謹檄  
某年某月某日時檄  
具位 姓 某 承諾奉行  
祖師三洞九清法師沖虛通妙真君王  
道法會元卷之一百三十二